

9
4186
10



昭和42年12月12日
和日大作
贈

笑得好初集

人以笑話為笑 我以笑話醒人
雖然遊戲三昧 可稱及世金針

揚州石成金天基撰集

慮二百歲壽誕

一老人富貴兼全。子孫滿堂。百歲壽日。賀客填門。老人攢眉似有不樂。眾問如此全福。尚有何憂。老人曰。各樣都不愁。只愁我後來過二百歲壽誕。來賀的人更添幾千幾百。教我如何記得清。

二百年後。幾千幾百人來賀者。逐位如何迎送。如

笑得好

元

門口 9
號 4186
卷 10

何款待。如何答謝。也要預先愁慮。絕不痴迷。

屎穢心窩

尾句要愁眉促額。一氣說。絕發笑。

龍爲百虫之長。一日發令。查出中有三個名的。都要治罪。蚯蚓與蛆。同去躲避。蛆問蚯蚓。你如何有三個名。蚯蚓曰。那識字的。叫我爲蚯蚓。不識字的。叫我爲曲蟮。鄉下愚人。又叫我做寒現。豈不是三個名。蚯蚓問蛆曰。你有的。是那三個名。也說與我知道。蛆曰。我一名蛆。一名穀虫。又稱我讀書相公。蚯蚓曰。你既是讀

書相公。你且把書上的仁義道德。講講與我聽。蛆就愁眉說曰。我如今因爲屎穢了心窩子。那書上的仁義道德。一些總不曉得了。

書上載的仁義道德。俱是聖賢教訓嘉言。應該力行。爲何不行。非屎迷心。而何。予見世間不讀書的。還有行仁義道德。偏偏是讀書人行起事來。說起話來。專一瞞心昧己。歪着肚腸。同人混賴。所以叫吃屎的蛆。爲相公。就是此義說之。不改變。蛆無疑。

笑得好

二

元

寧可爲娼婦

有一光棍專會鑽詐良善鄉里詐騙又想詐搆娼婦娼家未遂其慾卽寫了狀子告他引誘良家子弟敗壞風俗官准拘審問官曰娼婦雖是下賤遠來孤客久曠鰥夫都虧他陪宿還有些好處不似你這光棍到處欺負良善無風生浪平地陷人叫皂隸代我重責四十枷號示衆頂枷出來因有個兒子來看他就大聲叫曰我的兒從今後寧可叫你媽媽做娼婦切

莫要生事害人。

世有一等人專好唆人爭鬪起人訟事無端詐害良善妻女淫報必然之理急急改悔尤嫌遲也。

扣除二兩一夜

一翁慈善好施因大雪見一人避寒門簷憐而延入煖酒敵寒遂留一宿次日雪大又留之如是三日天晴此人將別去因向翁借刀翁取刀出其人持刀謂翁曰素不相識承此厚情惟有殺此身以報翁驚止

笑得好

之曰如此則害我矣其人曰何所害翁曰家中死了一個人一些無事燒埋錢也得十二兩零碎尚多使費其人曰承翁好意不好算這許多使費竟掣燒埋錢十二兩與我去罷翁大怒喧嚷驚動鄰里爲之解勸處其半以六兩與之臨去翁歎息曰誰想遇着這等沒良心的人其人曰不說自己沒良心到說我沒良心翁曰如何是我沒良心其人點頭曰你既有良心止不過留得我三夜就不該扣除我二兩一夜了

人都說此人恩將仇報良心喪盡殊不知世間的事大而論之朝廷設官分理坐高堂騎大馬俸祿供給封妻榮子原是要你愛養百姓勸善懲惡興利除害的豈知有等人全不念恩終日以貪酷爲能蠹國害民到只恨官卑俸少還要侵欺錢糧豈不是大負皇恩麼人家養子十月懷胎三年乳哺撫養教導不知費了多少心力巴得成人長大原指望同心創家養老送終的豈知有等人全

不感恩只恨爹娘少擇下家財不肯任他浪費反以父母拘管爲讐只圖自己快樂養生送死之事俱不用心豈不是大負親恩麼大抵人心欺負天理自然難容反而思之真正可歎可傷可笑可哭

一黑齒妓白齒妓

要開口藏齒說要齧口露齒說臉上都得像纔發笑

有二娼妓一妓牙齒生得烏黑一妓牙齒生得雪白一欲掩黑一欲顯白有人問齒黑者姓甚其妓將口謹閉鼓一鼓在喉中答應姓顧問多少年紀又鼓起

腮答年十五問能甚的又在喉中答會敲鼓又問齒白者何姓其妓將口一齧暗資答姓秦問青春幾歲口又一齧答年十七問會件甚麼事又將口一大齧白齒盡露說道會彈琴

今人畧有壞事就多方遮掩畧有好事就逢人賣弄如此二娼者正自不少最可笑者總有些銀錢便滿臉堆富總讀得幾句書便到處批評人顯得自己大有才學總做得幾件平常事便誇張許多

能幹看起來總是此齒白之媚婦也。

剩個窮花子與我

張李二人同行見一擡轎富翁許多奴僕張遂拉李向人家門後躲避曰此轎中坐的是我至親我者不避他就要下轎行禮彼此勞動費事李曰這是該的避過復同前行少頃見一騎馬頭者衣冠齊整從役多人張又拉李向人家門後迴避曰這馬上騎的是我自幼極厚的好友我若不避他看我就要下馬行

禮彼此勞動費事李曰這也是應該的避過復同前行偶然見乞丐花子破衣破帽的叫化走來李乃拉張向人家門後躲避曰此窮花子是我至親又是我好友我要迴避他不然他看見我不面愧張駭然問曰你怎麼有這樣親友李曰但是富貴好些的都是你揀了去只好剩個窮花子與我混混

向人說與富貴人如何往來如何厚密是大沒見識人卽親友中真有富貴者頻對人說亦惹人厭

謗何況更有假言誑說的大爲可耻。

願變父親

一富翁呼次債人到家吩咐說你們如果赤貧無還可對我罰誓願來生如何償還我就焚券不要一欠少人曰我願來生變馬與主人騎坐以還宿債翁點頭將借帖燒了又中等欠戶曰我願來生變牛代主人出九耕田耙地以還宿債翁點頭亦將借帖燒了最後一債多人曰我願來生變你的父親還債翁大

怒曰你欠我許多銀子除不償還反要討我便宜是何道理正要打罵其人曰聽我實告我所欠的債極多不是變牛變馬就可以還得完的我所以情願來生變你的父親勞苦一世不顧身命積成若大的田房家業自己不肯享用盡數留與你快活受用豈不可以還你的宿債麼。

占人有枉代兒孫作馬牛之句世上有等愚人年紀已老九目勞苦不了總爲子孫後來快活受用。

非是前生該他許多宿債。焉能如此甘心償還。可見千真萬確。莫把子言作笑話看過。子孫若有賢良守成者。猶感念父祖創業之艱難。若遇不肖子孫。嫖賭浪費。只恨父祖監察。不肯任其揮酒。一旦脚直家業如滾湯潑雪。深爲可歎。爲父祖明知此理。却不肯看破。行些好事。積些陰德。尚錙銖必較。豈不愚而又愚。真馬牛之不若也。

還要我的飯吃

有父子分居幾年。子有餘錢。父因老病不能掙家。貧爲乞丐。適過子門。有識者指父問子曰。此人想必不是你的父親麼。如何全不顧他。子曰。我雖然是他生的。我而今除不要他的飯吃。就穀了。難道他自己的飯。還想要我與他吃麼。

世人雖無此等不孝。然而供給不敬者。頗有其人。稱兒子

父子同行。有不知者。指子問曰。此位何人。父答曰。此

人。雖。然。是。朝。廷。極。寵。愛。吏。部。尚。書。真。正。外。孫。第。九。代。
的。嫡。親。女。婿。却。是。我。生。的。兒。子。三。十。三。字。要。一。氣。說。

胸中有一盤香貴親。隨口定要說出。總不覺羞。

題呼

有一王婆。家富而矜誇。欲題壽材。厚贈道士。須多着
好字。爲里黨光。道士思想。並無可稱。乃題曰。翰林院。
侍講大學士。國子監祭酒。隔壁王婆婆之樞。

世人每好借貴。殊不知大討人笑話。

相法不準

有人問相者曰。你向來相法。十分靈驗。而今的相法。
因何一些不應。相者促頰曰。今昔心相。有所不同。昔
人。凡。遇。方。面。大。頭。的。必。定。富。貴。而。今。遇。方。面。大。頭。的。
反。轉。落。寞。惟。是。尖。頭。尖。嘴。的。因。他。專。會。鑽。刺。倒。得。富。
貴。叫。我。如。何。相。得。準。

主試者。若非鐵面冰心。巴不得人人會來鑽刺。

讓鼠蜂

鼠與蜂結爲兄弟。請一秀才主盟。秀才不得已而往。列之行三。人問曰。公何以屈於鼠輩之下。秀才答曰。他兩個一個會鑽。一個會刺。我只得讓他些罷。

不會鑽刺的。總是個真秀才。

看寫緣簿。

要臉色一喜一惱。身子一起一跪。總發笑。

有一軍人穿布衣布靴遊寺。僧以爲常人。不加禮貌。軍問僧曰。我見你寺中也甚淡薄。若少甚的修造。可取緣簿來。我好寫佈施。僧人大喜。隨卽獻茶。意極恭。

敬及寫緣簿頭一行。總寫了總督部院。四個人不僧以爲大官私行。驚懼跪下。其人於總督部院下邊又添寫標下。左營官兵。僧以爲兵丁。臉卽一惱。立起不跪。又見添寫喜施三十。僧以爲三十兩銀子。臉又一喜。重新跪下。及添寫交錢二字。僧見佈施甚少。隨又立起不跪。將身一撲。臉又變惱。

先不禮貌。因無錢。後甚恭敬。因有錢。先一跪。爲畏勢。後一跪。爲圖利。世人都是如此。豈不可歎。

啞子說話

有一叫化子。假粧啞子。在街市上化錢。常以手指木碗。又指自嘴曰。啞啞。一日挈錢二文買酒吃。盡曰。再添些酒與我。酒家問曰。你每常來。不會說話。今日因何說起話來了。麼。叫化子曰。向日無錢。叫我如何說得話。今日有了兩個錢。自然會說了。

而今純是錢說話。那裡有個人說話。

不肯下剪

有請裁縫工人到家中裁衣。其人默視多時。不肯下剪。主人問故。其人曰。這衣服我若下剪。有了我的。就沒了你的。若有了你的。又沒了我的。如何是好。

而今人只顧自己。不顧他人的極多。由此看來。此人能代他人回想。能代他人存地。步還算有良心。反有用。

除夜遇送年節禮物的。至人取舊曆一本與來僕。以作腳錢。僕曰。此是舊曆。我領回去無用了。其人大

怒叱之曰。你既然領去無用。難道我留在家中。反有用麼。

聖人謂己所不欲。勿施於人。我看今人己所不欲。專施於人。己所欲的。反不肯與人。不獨送人器物。卽一切事務。俱是如此。乃聖人所以爲聖。愚人所以爲愚歟。

兄弟合種田

兄弟二人合種田。至秋收時。弟向兄分稻。兄謂弟曰。

我與你是好兄弟。何必如此瑣碎。恐傍人看見。說我們較量彼此。有失雅道。不若今年我收得上頭的稻。穀。你只得下頭的燒草。等到明年。我得下頭。你得上頭。一遞一年。何等至公。弟從之。及至來年春間。弟向兄曰。目今該下秧了。兄曰。且住着。我間得人說。今年要旱。竟種芋頭。只是記我收下頭。你收上頭。公。良心。一遞一年。不許改換。就是了。

只思量自討便宜。總不管他人有無。世間合本夥。

計共事朋友犯此病者極多誰知老天難容你算

兄弟合買靴

兄弟二人合買靴一雙言過合穿及買歸其弟日日
穿走竟無兄分兄心不甘乃穿靴夜行總不睡覺叫
不幾日靴破弟謂兄曰再合買一雙新的兄愁眉曰
不買了還讓我夜間好睡睡覺罷。

古人說合船漏合馬瘦總之視爲公中之物全不
愛惜若彼此同心創立豈不均有大利。

屁香

有人將妻子卧房糊得雪白掃得極淨請一富翁到
房求他放一屁翁驚問何故其人曰我久聞有錢的
人放一個屁就有三日香所以請老翁來家放一個
屁教我夫妻們好領領香氣。

有錢人的屁既是馨香厨的屎必定是成塊黃熱
怪不得替屁曰依稀乎絲竹之音彷彿乎沉檀之
氣人只知富翁屁甚馨香殊不知單是有錢人極

鄙極吝。連屁也沒得與人麻口。枉費許多精神。
話不應。

有人到神廟求籤。問道士詳斷。道士曰：先送下香錢。說的話纔靈。若是沒有錢，就有說話。一些也不應驗。人若無錢，就有好話。誰人來聽。

臭得更狠。要寧手招鼻嗅樣，繼發笑。

有錢富翁於客座中偶放一屁。適有二客在傍。一客曰：屁雖响，不聞有一毫臭氣。一客曰：不獨不臭，還有

種異樣香味。富翁愁眉曰：我聞得屁不臭，則五臟內損。死期將近。吾其死乎。一客用手空招用鼻連嗅曰：纔臭將來。一客以鼻縐起，連連大吸。又以手掩鼻。蹙額曰：我這裡臭得更狠。
放一屁，卽如此奉承。若做他事，不知又當何如。

變曲蟻

幫閒者自誇技能，謂件件俱精。天下無比。一人曰：你說你有許多能幹，我看你不獨可比曲蟻。將來還要

變曲蟾其人驚問答曰殺之無肉副之無血要長就長要短就短又會唱曲子又會呵卵胞

若幫人行壞事豈但變曲蟾只怕還要變蛆

一板還一板

有一官但遇責替打的溜兒卽吩咐皂隸用小板輕打打完必慘然淚下有人問曰此乃無賴之徒得人銀錢代人推打何故痛惜官曰這就是我後一世的榜樣爲官的地方事多若一時心粗不慎或是受了

人的賄或是聽了人的囑用刑錯打了人少不得一板子還他一板子見了報應叫我如何不痛

此是實話並非戲言爾我俱是父母生成一般血肉痛楚相同何忍錯加敲朴時存此心功德無量不許看看

有人爲官事相會衙門吏書適值其人他出有妻在家答應曰尊客到我家想是要幹事的了只消留一個大大的東道在我房馮你甚麼時候行事就依

你甚麼時候行事。要繳進去。就繳進去。要賺快些。就賺快些。你就是要攔起來也。隨着你攔起來。只要你銀子送得多。包管你快活如意。若是你没得銀錢。不但事事不能從命。連看看也不許你看看了。

衙門人有如此作弊。妻女們首然有如此果報。

死錯了人

有人親家母死。托館師作祭文。師於舊文集中抄一祭親家翁者與之。其人看曰。錯了。師怒曰。此文乃是

刊刻在書上的一字也不錯。除非是他家錯死了人。任着已性不聽人說。焉得不錯。

紅米飯

一人有喪。偶食紅米飯。一腐儒以爲非居喪者所宜。問其故。謂紅色乃喜色也。其人曰。紅米飯有喪食不得。難道食白米飯的都是有喪。服麼。

迂人往往以非理之事。亂行責備。宜以喪服答之。

戲太冷清

笑得好

十六

元

有設優酌款愚親家而演琵琶者既十餘齣其人嫌無殺陣怒見於色曰戲太冷清主家陰囑戲子復裝武戲殺陣甚酣其人大喜顧主翁曰這戲是的我不說也罷只道我不在行堵了

每每假在行自己還誇張

肌巴爛光

有一女子出嫁夫甚愚蠢不知房事至同門哭訴與母曰爹爹不爲女兒擇婿令兒嫁個木雕泥塑的丈

夫夜間睡去動也不動叫我如何是了母曰我教你一法俟丈夫睡着將鷄屎抹在睡鞋底上伸在丈夫鼻邊他若聞臭卽叫過頭睡如不曉又伸過去自然知臭你說這頭不臭他自然過來女回去依法三次方過來並睡端然不動女乃扯他手在乳上亦不知放在肚上亦不曉再牽他手放近陰物上夫忽大叫起來隔房公姑驚問其人高聲怒應曰世間有這樣愚蠢婦人下身的肌巴那袋都爛個精光總不說着

若。早。些。說。與。我。叫。個。人。醫。治。醫。治。也。免。得。這。等。臭。氣。
往。往。不。識。貨。自。己。反。怒。叫。

夢鼓上擲骰

一。老。年。人。欲。娶。妾。得。一。夢。穿。木。套。上。樓。又。骰。子。在。鼓。
上。擲。卽。往。詳。夢。其。師。不。在。徒。弟。詳。曰。穿。木。套。上。樓。步。
步。高。也。骰。在。鼓。上。擲。有。聲。有。色。此。老。喜。極。卽。娶。一。妾。
不。半。月。奄。奄。欲。死。乃。又。到。詳。夢。家。適。師。在。問。明。前。事。
曰。此。小。徒。之。悞。也。穿。木。套。上。樓。一。步。趨。一。步。必。跌。無。

疑。此。老。曰。骰。在。鼓。上。擲。呢。師。曰。骰。在。鼓。上。擲。者。是。這。
一。把。枯。骨。頭。定。要。累。屢。殺。撒。在。這。兩。片。皮。上。

年。老。精。力。已。衰。你。雖。愛。婦。其。如。婦。不。愛。你。勉。強。爲。
之。一。則。醜。事。難。防。二。則。夫。死。愈。近。何。苦。自。討。

女勾死鬼

閻。王。差。勾。死。鬼。到。陽。世。勾。人。空。身。回。來。閻。王。問。故。鬼。
曰。他。身。邊。先。有。兩。個。標。致。女。人。跟。着。他。比。我。勾。死。鬼。
更。狠。不。久。他。自。己。就。來。不。必。去。勾。他。

雖然不見人頭落，暗裡催君骨髓枯。若是有了兩個婦人，更是違限催差，其去不容少緩。

討飯

一富翁有米數倉，遇荒年，鄉人出加一加二重利，俱嫌利少不借。有人獻計曰：翁可將此數倉米，都煮成粥，借與人，每粥一桶，期約豐年還飯二桶。若到豐收，熟年翁生的子孫又多，近則老翁自己去討飯，若或遠些子孫去討飯，一些不錯。

音推

富翁不存仁慈，只想刻剝貧民，果報不止於乞丐。

大不便宜

一人值家費，純用紋銀，或勸以傾八九呈銀，雜用當有便宜。其人出元寶一錠，五十兩，托傾八呈，人止傾四十兩付之，而賺其餘。其人問銀幾何，對曰：四十兩。又問元寶五十兩，如何傾四十兩，答曰：此是八呈銀，五八得四十一毫，也不錯。其人遂曰：我誤聽了你的說話，用色銀，真正大不便宜。

用色銀的展轉歸之窮人甚是可憐。即少有便宜亦被人暗裡算去。人或不算少不得上天加陪扣除。大不便宜的話千真萬。

溺水

有人溺水其子呼人急救許以重酬。父於水中探頭高喊曰。是三分銀子便救。若要多的不必來。

錢財比命更重。這三分銀子可謂出手太多。

打個半死

一人極貪富者語之曰。我白送你一千兩銀子。你與我打死了罷。其人沉吟良久。只與我五百兩。打個半死何如。

世人許多驚風駭浪。因而亡身。都是爲財欲求半死。恐不能矣。

燒馮蟻用隣箕

要一頭念佛。一頭說。總發笑。

有一家婆手持數珠。口中高聲念阿彌陀佛。阿彌陀佛。隨卽叫云。二漢。二漢。鍋上的馮蟻甚多。我嫌他得

狠把火來代我燒死些。又高聲念云。阿彌陀佛阿彌陀佛。隨又叫云。二漢二漢。你代我把鍋下的火灰巴去些。糞箕莫用我自己家裡的。恐怕燒壞了。只用隣居張三家的。

如此殺心。如此私心。雖每日念佛萬遍。而罪過仍在。全要心口相應。纔有功德。

吃人不吐骨頭

貓兒眼睛半閉口中呼呀呼呀的坐着。有二鼠遠遠

望見私謂曰。貓子今日改善念經。我們可以出去得。小鼠終出洞。貓子趕上咬住一個。連骨俱吃完。一鼠跑脫向衆曰。我只說他閉着眼念經。一定是個良善好心。那知道行出來的事。竟是個吃人不吐骨頭的。有個會念經。也會行壞事。有個不念經。也不行壞事。請問高明人。誰是誰。不是不論經不經。只論行的事。

連我總得三人

一士謂人曰。自古至今。聖人最難世出。當初盤古王。開天闢地。生人生萬物。誰人比得他來。我要讓他。乃屈一指。其後孔夫子出類拔萃。詩書禮樂。爲萬世師表。那個人不敬服他。我只好讓這第二個。乃屈二指。自此二人後。再沒有屈得吾指的。默想良久。點頭曰。是呀。你說聖人難不難。并連我。纔得三個人。大言不慚。高自稱許。吾知其極厚的面孔。

少米少床

貧人對衆客自誇曰。我家雖不大富。然而器物件件不少。乃屈指曰。所少者。只是龍車鳳輦。飲食樣樣俱有。乃屈指曰。所無的。只是龍心鳳肝。傍邊有小童愁眉曰。夜裡床也沒得睡。地下困草鋪。今日晚飯米一縷也沒得了。還在人面前說天話。其人仰頭想一想曰。是極。是極。我也忘了。我家裡到底件件俱有所少的。不過是龍心鳳肝。晚飯米。龍車鳳輦。夜裡床。貧不可笑。貧而說大話者。則可笑。

茶飯不週全

要唱腔絕發笑

嫖客破家後，乃沿門唱曲討飯度日。偶過舊妓之門，妓在內陪客飲酒，低聲唱云：我爲你清減了桃花面，嫖客在外忽高聲接唱曰：我爲你茶飯上不週全。不清減而欲茶飯週全者極少。

還是處女

一人好賭，田地屋業俱輸盡，止剩一妻，復以當稍，不數擲復輸去。因又固請再饒一擲，贏家不肯輸者曰：

房下還是處女，價錢作少了，饒一擲不爲過。贏家曰：那有此理。輸者曰：你若不信，但看我自做親以來，何曾有一夜住在家里宿歇的。

心無二用，好賭者卽妻子亦不理着。何況父母兄弟親友乎。又何况事業乎。真可浩歎。

罵父

父子同抬枝柴，父誤以枝碰子，子卽怒罵曰：老烏龜，你眼睛尙瞎了，怎麼把枝柴碰在我身上。呸，孫在傍

見祖被罵大不平曰。尙娘的賊奴才。生身的父母。可
是罵得的。碰音烹去聲。撞也。

但看瓦屋簷前水。點點滴滴不差移。

出氣

一不肖子常毆其父。父抱孫不離手。甚愛惜之。隣人
問曰。令卽不孝。你却甚愛令孫何也。答曰。不爲別的
我要抱他長大了。好替我出氣。

果報反復必然之理。

喜旗杆

眉毛一日想要連身上的宗。細思量曰。鬚鬚終日沒
衣穿。我不去連他。脇毛雖有衣穿。却在人的手夾下。
過日子。我也不喜歡。想了一會。點頭曰。到是下邊。豎
旗杆的。又硬。又強。勢不與他連宗。還尋那個。

本支宗族。不去親敬。反結連外人。揆其意。不過箇
他勢要。孰知有利則親。有害則取。連如不連同也。

門戶大

有男人欲狎一處女先舉其物問之曰此爲何物汝知之否女曰那是一張因卵字不便說故作歇後語也男又問曰這等你腰下是何物女曰也是一張男曰你也是一張我也是一張可見這兩件東西都是姓張的了五百年前共一家何不使他通一通諧女許之遂與解褲相狎事畢之後女歎曰諧便通了只是這個門戶漸漸的大起來收歛不得却怎麼好

一與富貴往還便生出許多事來不可收拾

割股

末句二十個字要一氣說

有父病延醫用藥醫曰病已無救除非有孝心之子割股感格或可回生子曰這個不難醫去遂抽刀出是時夏月逢一人赤身熟睡門屋因以刀割其股肉一塊睡者驚起喊痛子搖手曰莫喊莫喊割股救父母你難道不曉得是天地間最好的事麼

損人利己壞他事成自名雖無其事多存此心

疽痛

有人腿上患一毒疽。甚是痛疼。叫喊不止。忽將壁上挖一洞。將腿放入穴內。人問其故。患人攢眉曰。這疽在我腿上。我自己痛不過了。所以挖個壁洞。伸過去也。等他好。往別人家裡疼去。

已害思欲脫人。殊不知害仍在已。喪心何益。

方蛇

有曾遇大蛇的。侈言濶十丈。長百丈。聞者不信。其人遽減二十丈。人猶不信。遞減至三十丈。二十丈。遂至

十丈。忽自悟其謬。曰。阿呀。蛇竟長方了。

世有虛語。未有不被人識破。柰不能自悟何。

大澡盆

有外路二客相會。各說本處的奇事。一客曰。敝處有洗澡盆。可容得千餘人在內沐浴。一客曰。此盆還不筭奇。敝處有一竿竹子。長得上住天。下住地。目今天上長不去。反倒轉下來。灣着朝地長。總爲奇事。客問曰。那有這等大竹。客曰。若沒得我這根大竹子。怎得

能。穀。繼。你。的。這。等。大。澡。盆。

有此附和人，方可說此大話，也只好哄得自己。

代哭

要學哭聲，總發笑。

揚俗喪家開弔，用婦女哭於棺傍，孝子多催覓隣，
代之久而頗倦，因哭曰：想來干我甚事呀？客聞聲而
尤之曰：就是催來的，既然得了人家的銀錢，也不該
如此哭法。姬聞而易其哭曰：想來又干你甚事呀？
孝子居喪不哀，宜用此婦代之，方合拍。

皮匠訟話

要學蕪州話，手裝樣，總發笑。

兩皮匠涉訟，一友問之曰：你家訟事如何了？匠曰：他
手腳好，通了線索，把裡邊托好了，幸而見官時，他的
舌頭上打起允音掌子來，被我細針密線介一說，官
府也弗敢蠻搯，竟免，俱逐出，被我打仔個灣子，伺候
渠出來，排仔渠介兩記哉。

人只知笑此皮匠說皮匠話，殊不知許多勢利小人，滿口滿臉盡皆勢利，更可笑也。

兩脚桌子

一人做桌要省木匠迎其意曰只做二脚倚楹而用可也一夕月明欲移放庭中難於安頓召匠責問匠曰你在家裡可以省得若在外邊却如何省得
做兩脚桌的如何還想賞月

獨脚褲子

有命裁縫做褲者以丈尺太多不從末一工知意曰我只用六尺足殼做其人大喜及至做成乃是獨脚

褲子穿起音赤觸難走對工人大笑曰省到省了只是音赤觸一步也行不去

做獨脚褲的如何還想出門

我不見了

一呆役解罪僧赴府臨行恐忘記事細加查點又自已編成二句曰包裹雨傘枷文書和尚我途中步步熟記此二句僧知其呆用酒灌醉剃其髮以枷套之潛逃而去役酒醒曰且待我查一查着包裹雨傘

有摸頸上曰。枷有文書曰。有。忽驚曰。嚙呀。和尚不見了。頃之摸自光頭曰。喜得和尚還在我。却不見了。人只知此人呆矣。殊不知世人終日營營。沉酣不醒。將自己要緊的性命。總不知其究竟。任隨昏散而死。卽有認者。亦非的確。豈不比此呆更甚。

笑話一担

秀才年將七十。忽生一子。卽名曰年紀。未幾又生一子。似可讀書者。因名曰學問。次年又生一子。笑曰。如

此老年還生此兒。真笑話也。又各曰笑話。及三人年長無事。俱命入山打柴。及歸。夫問曰。三子之柴孰多。妻曰。年紀有了一把學問。一些也無。笑話倒有一担。有年紀而無學問。也是笑話。何況更有笑話乎。

一張大口

兩人好爲大言。一人說敝鄉有一大人頭頂天。腳踏地。一人曰。敝鄉有一人更大。上嘴唇觸天。下嘴唇着地。其人問曰。他身子在那裡。答曰。我只見他一張大口。

有了大口必有厚臉也須看看他。

大舌烏龜

一人將肝油在井邊洗。悞落一塊肝於溝內。一烏龜見而吞之。肝大口小。拖露於口外。一人見而訝之。曰：你們快些來。好看這大舌頭的烏龜。

說大話的面目。全虧一個硬殼替他藏躲。

切莫動手

醫家一僕犯事。主人大怒。捏拳欲打。僕哀求曰：小人

服事年久。極知老爹手段。只求脚踢。切莫動手。脚踢還不傷命。若一動了手。我的性命就難保了。

有這等根手。不是家裡人說出。外人那個知道。

看上下你

一庸醫娶妻。生男女二人。一日醫死了人的兒子。遂以子賠之。又醫死子人的女兒。復以女賠之。只剩一妻在家。淒涼不堪。忽有人敲門請看病。醫問看何人。答曰：敝房醫對妻哭曰：不好了。又有人看上你了。

笑得好

庸醫不明脉藥病源就大胆掛牌行道醫醫死了人的兒女妻房必然要將自己的兒女妻房還人天理果報一毫不差錯此等作孽事切不可做。

又支又抽

妻摸夫陽物曰此是何物夫曰是本錢夫亦摸妻陰物曰此是何物妻曰是個店面夫曰我出本錢你出店面合一合夥計議定本錢安安靜靜的放在店裡也不許支也不許抽包你一日一個對合其後合不

上幾日大家熬不得了遂而今日也支明日也抽有一日夫對妻曰我們兩個人支也支得快活抽也抽得燥脾只是我的本錢漸漸縮小你的店面覺道空踉踉仔點哉

今日合夥計的無人不犯此病可爲浩歎

夢雷打

三人同心共事對天發誓曰若有私心天雷擊頂內中有一人奸宄偏私暗地得財夜夢雷神打他驚慌

成病另託一友還願而告以實情友至廟中縛焚香
忽聞山門崩倒友誤認爲雷急忙跪祝曰雷公爺雷
公爺不干我事那打偏手的還在家裡害瘟病哩
存心不公暗中必有許多消折豈但瘟病一件

還我原面孔

一人赴飲自家先飲半醉面紅而去及至席間酒味
甚淡越飲越醒席完而前酒盡無將別時謂主人曰
佳釀甚是純醲只求你還我原來的那樣半紅臉罷

餚可減而酒不可淡以淡酒請客者大無見識

撒不來

要學男人醉樣女人嬌罵逸發笑

有慣撒酒風人不論飲多飲少只是要撒其妻恨之
一日在家索酒吃妻與浸苧蔴水飲之未幾亦手舞
足蹈起來妻罵曰天殺的吃了浸苧蔴的水也撒酒
風頃之其人大笑曰我也道今日如何這等撒不來
酒醉之人解有墜水食糞者可見撒酒風的都是
倚風作邪試問次日見人可慚愧否

丈夫回家

要學江西人說話，終發笑。

一江西人出外小本經商，凡賺得金銀，恐行路小人竊取，盡藏在大傘柄內。日久歸家，妻出迎接，見丈夫並無行裝，手中執一傘，心中大不喜歡，怒形於色。夫曰：我走了遠路，肚中甚餓，可快煮飯來。我吃。妻怒曰：家中米也沒得，那裡還有飯與你吃。夫笑曰：你這等怒色，想是我久在外邊，累你孤燈獨卧，可同你雲雨一回，以聯舊情罷。妻更大怒曰：你好心思呀！飯也

不與你吃，還想尙毯麼。

江西人尙音錯。

夫又笑曰：你將厨刀

取來與我。妻喜曰：你這等沒本事，揮錢的人，倒是自刎了甚好。妻遂送刀與夫。夫接刀，將傘柄劈開，盡是藏的碎金銀百餘兩。妻看見，怒臉變成大喜，對夫笑問曰：請問親哥哥，你還是吃了飯。尙毯呢？還是尙了

毯吃飯呢？

吃音確，尙音錯。

閩非薑先生嘗曰：子弟得志，父兄甘作三分篋片。丈夫無錢，妻子看作九分厭物，可見糟糠同守者。

能有幾人。至親厚如夫妻者尚且如此。何況其他。

歸去來辭

要先驚忙後緩慢之發笑

一人口中偶讀古文曰。臨清流而賦詩。傍有一人急忙問曰。何處臨清。劉副使爲甚的不早些對我說。讓我好奉承奉承。結交他。其人曰。此乃歸去來辭。這人改顏緩說曰。我只道他是個現任的官兒。若是這個歸去來辭的官兒。我就不理他了。

爲問門前客。今朝幾個來。真可浩歎。

比物

二人同小船路遇有塔。一人要去登塔盼望。及至回船。船上人笑曰。我方纔在船裡遠遠望見你在七層塔上。身子甚小。只有三四寸長。頭上紅纓帽戴看。就像此物一樣的。隨說隨以一指頭作陽物。一顛一顛的。其人忙將兩手大姆指二指尖長圈起。作陰物樣。又將中指居圈中。也是一顛一顛的。口中隨說曰。我方纔在七層塔上。望見你在船中。就像這個一樣的。

笑得好

討人便宜而不知自失便者多矣往往如此

面貌一樣

一人抱兒子在門外閒立傍有一人戲之曰可見父子骨血真個是一脉只看你這個兒子的面貌與我的面貌就是一般無二抱子者答曰你與這兒子原是一母生出來的弟兄這面貌怎麼不是一樣的我討人的便宜豈知人討我的便更重古云討便宜卽是吃虧的後門許多失便宜事俱從此起

忠則不欺 孝則不悖 廉而罔貪
謹乃無失 修身如此 可以成德

寬則得衆 裕然有餘 容而翕受
忍則安舒 待人如此 怨咎滌除

孔子觀周后稷廟有此言金人三穢其品銘其言

古之慎言人也戒之哉毋多言多言多敗毋多事多事多
害安樂必戒無行所悔勿謂何傷其禍將長勿謂何
害其禍將大勿謂不聞神將伺人熒熒不滅炎炎若
何涓涓不壅流為江河綿綿不絕將成網羅毫末不
扎將尋斧柯誠能慎之福之根也曰是何傷禍之門也
強良者不得其死好勝者必遇其敵君子知天下之不
可上也故下之知衆人之不可先也故後之溫恭慎德令人
慕之執唯持下人莫踰之人皆趨彼我獨守此人皆感之
我獨不移內藏我智不示人技我雖尊高人莫我害江
海雖在長於百川以其下也天道無親當與善人戒之哉

敬奉家神說

家堂爲奉祀香火護佑闔門消災降福敬
禮宜虔每見模糊神像經年塵障蛛絲傾
側聖容終歲煤殘鼠糞及至良辰勝節寶
殿名山爭先拜禱爲思同此神像聖容何
獨於寶殿名山致其拜禱而本家香火反
致塵障煤殘不生畏敬也豈名山寶殿之
聖容可以邀福而模糊傾側之神像不能

降禍耶世習迷忽真爲莫曉今家堂之上
宜於朔望淨拂一次不致殘燭零灰堆積
褻瀆更於家堂之前懸掛上好月香一盤
接續焚點心中常存神靈在上時加畏敬
自然惡念不生善念頓起遇有聖誕虔供
香燭芸檀繚繞神閣尊嚴瑞氣盈門邪氛
遠避凡我同人願皆修省

廣陵樂善子石維石敬刊

敬奉灶君說

灶君爲司命之神每月二十四日上詣天曹奏人罪過以降
禍福爲一家之糾察實朝夕以鑒臨地宜潔淨心必敬尊今
人每忽虔儀任其灰積拈香點燭不過朔望虛文去垢掃塵
徒効歲終故事兼有咒咀于灶前穢污于厨下或骨角皮毛
雜于柴燒而不揀去或牛大蟻蟹任于烹煮而使神不安或
將泥鞋濕屨放于灶傍烘炙而無忌或夜間火又杓器置于
灶內鍋上而不收或未滿月之產婦輒自上厨或行經之女
婢箕坐燒火或哭笑于厨中或歌吟于灶下或不信刮鍋忌
日或以灶火燒香種種罪過以致瀆慢神靈飛殃降咎小者
育睛口舌大則災禍同祿世俗未曉良可嘆也今勸於每月
朔望盥櫛之後宜用淨帚拂去神厨灶櫃埃垢隨拈香一炷
拜禱消愆地有積垢檢視掃除戒諭家人婦女勿致怠蕩生
殃此居常極易之事久行不倦自然迎祥迪吉家豐福盛壽

命可延罪業可消其八月初三日乃焯君聖諡之其九年庚

十二月	十一月	十月	九月	八月	七月	六月	五月	四月	三月	二月	正月
文每月	初三	初三	初三	初三	初三	初三	初三	初三	初三	初三	初三
廣陵	初五	初九	初九	初三	初八	初七	初四	初九	初七	初四	初八
樂善	十八	十七	十三	十八	十七	廿七	初九	廿二	廿七	十九	初七
子石	廿四	廿五	廿六	廿九	廿二	十五			廿七	初八	二十
維石	廿四	廿七	廿七	廿七	廿七	十六				初九	廿七
敬刊	忌	忌	忌	忌	忌	廿六				廿七	
	忌	忌	忌	忌	忌	廿四					
	忌	忌	忌	忌	忌	廿七					
四元	同前										



先須言

語簡默當

啓口且後緘藏

鼎易氣象和平

有掃象至宜含惡

謂惡莫大於

謂善莫大於

諸惡莫作衆善奉行此八字乃人事之振綱提領語也宋理宗皇帝御筆書王感應篇之首識誠卓矣昔自香山閣於烏巢嶼師師曰諸惡莫作衆善奉行香山曰三歲孩兒也道得師曰三歲孩兒雖道入十老翁行不得香山作孔而退夫香山蓋世奇不面猶作北語況其下者乎吾願讀此語者時時當自休有行切勿以此語之近而忍以

閑夫子親筆寫此十二字。予曾納玩。書法整勁。人知公以兵法傳。而不知兼以書法傳也。予因臨縮小幅。未免大夫本來。又各以朱文公贊語列註。展讀一過。令人仰慕不已。

做好人

孔稱成人 孟戒小人窮冬君子陽

行好事


聖狂路口義利關須擇行若游莫行若郵

讀好書

百聖在目 千古在心 妙者躬踐敷者吟

說好話

莠言虛妄 蘭言實 几蘭一莠 駟追不回



厚德載福

和氣致祥

但能時想此福隨在皆樂境矣

人生不涉險峻歷風波不知坦途之福
 人生不遭事變遇利害不知平安之福
 人生不染疾病受困苦不知康強之福
 人生不值饑饉忍凍餒不知豐稔之福
 人生不逢兵燹經流離不知太平之福

時作譬如以治躁

常思究竟以學道

不忘忠恕以盡心

寄懷山水以適好

甘處恬淡以安拙

戒談戶外以守默

臨事貴斷以免憶


客至小酌以聯情

今人不忍一時之忿或爭銖兩之利遂相構訟
 夫我欲求勝於彼彼亦欲求勝於我讐讐相報
 遂至破家蕩產禍貽子孫豈若含忍退讓使鄉
 里稱為善人子孫亦蒙其福庇矣以可勉哉
 今人為子孫計或至謀人之產奪人之業日夜
 營營無所不至昔人云為子孫作馬牛須知沒
 未寒而業已屬之他人讐家群起而報復子孫
 反受其殃是殆為子孫作蛇蝎也吁可戒哉

法本從心生還是從心滅 生滅盡由誰詰君自分別
既然皆已心何用傳秘訣 只須下苦功扭出鉄中血
絨繩着鼻穿挽定虛空結 拴在無爲樹不許他顛劣
莫認賊爲子心法都忘絕 休教他瞞我一拳先打撒
現心亦無心現法法也豈人牛不見時碧天光皎潔



父慈子孝。兄友弟恭。夫婦和。朋友信。見老者
敬之。見幼者愛之。有德者年雖下於我。我必
尊之。不肖者年雖高於我。我必遠之。勿談人
之短。勿矜己之長。讐者以義解之。怨者以直
報之。人有小過。以量容之。人有大過。以理責
之。勿以善小而。不為。勿以惡小而。為之。處公
無私。雙。治家無私法。勿損人利己。勿妬賢嫉
能。見不義之財。勿取。遇合義之事。則從。
書。崇禮義。教子孫。寬奴僕。守我之分。聽我之
命。人能如是。天必相之。此常行之道。不可一
日無也。程子家訓。石天基書。并



但教有酒身無事
有花也好無事
也如晉甚春秋

惺齋家紀

寒山問拾得曰世人謗我欺我妬我
笑我害我輕我驅我辱我如何處之
拾得答曰我只是忍他讓他耐他由
他避他敬他不理他再過幾年看他

醒菴拈此自箴

快活散

勸君莫把光陰錯
悔當年一在事
蹉跎白髮添青春
過被咱識破
贏得笑呵呵

澤齋密記

父母生之 恩同罔極 血氣既衰 必資飲食
烏鴉反哺 孝子愛日 凡厥庶民 勿怠勿逆

公卿大夫 兄弟伯叔 其分雖殊 其理相屬
畏敬奉承 整齊嚴肅 以此事人 人誰不服

州閭鄉黨 事同一轍 婚姻相承 原非胡越
勿因小嫌 釀成大孽 犯而不校 惟民之則

春夏詩書 秋冬禮樂 教之謙恭 示以儉約
親賢遠奸 向善背惡 子孫保之 先民時若

士農工商 各有專業 曉諭尊之 源泉不竭
差彼貪夫 隴斷是獵 人亦有言 弄巧成拙

天生蒸民 有善無惡 勿好爭訟 勿好賭博
嗜酒貪淫 必遭刑虐 東平有云 為善最樂

隨便種福

佈施二字釋氏謂之慈悲。吾儒謂之仁愛。如來捨
身喂虎。割肉喂鷹。聖人一夫不獲。時予之辜。吾輩
能乎。不能也。惟隨便佈施一法。簡而易行。蓋饑寒
乃人所最苦。今之沿門乞化者。非為此乎。每有見
其來者。除不憐念而反斥逐之甚。且辱罵之傷哉。
所求幾何。而遭此狼籍耶。予勸仁人長者。或米或
食。或銀或錢。無論多寡。隨便與之。即合勺亦能濟。

其饑毫厘亦能周其急。或當食飯飲酒之時乞者望之。不知如何香美。不妨出其殘羹餘瀝以充彼之腹。消彼之饑。至於行路之間有病者瞽者幼稚可矜。衰老堪憐者。則量我囊中之多寡。爲佈施之厚薄。此法甚簡甚便。在不爲傷財。在彼自然感德。卽是慈悲之本。仁愛之端。成佛作祖之根基。爲聖爲賢之道路也。種福於冥冥中。胡不勉而行之。

德興堂撰勸

十二元

十就多

澹泊以明志。寧靜以致遠。這就廣許多器量。
人非善不交。物非義不取。這就立許多品行。
常說方便話。常行方便事。這就積許多功德。
少思以養神。少慾以養精。這就延許多壽命。
無災卽是樂。無病卽是福。這就享許多自在。


緩步以當車晚食以當肉這就受許多快樂
我思不望報他怨不與較這就寬許多胸懷
日知其所無月溫其所能這就長許多學問
他說我閉口他揮我袖手這就息許多爭鬧
壽大莫非命窮通各有時這就除許多憂慮

揚州石天基枯集

有書不讀與無書同
雖讀而不明書理不
依書行事與不讀同


聖賢書

讀聖賢書
行仁義事




筆齋
此齋
於齋
於齋

有福之人。方能識字。須當以字積德。切不可
以字造孽。予擬筆戒三條。但凡舉筆時。即
想此字可損人否。有則慎勿下筆。庶不
以福我者。反為禍我。較惜字紙功加百倍。
戒筆下害人身家。如傷性命。起爭訟之類。
戒筆下毀人名節。如揚過惡。排賢良之類。
戒筆下敗人事業。如破婚姻。阻善行之類。



鈍為體
而靜為
用福壽
延長
石成銘
原成金

石成銘



世安衙養暗善温貴少愈
 人分門壽中虞柔自杯寒
 依身戒須休真終幸不精
 此無出入修使君子益勤人神
 說辱入德箭子已得性大
 全閱鄉欺乖刁強富息思
 福非黨心裏咬暴從氣多
 樂口要枉放是必從免血
 天莫和吃些是招來傷脉
 懷開諧齋呆禍胎災財表

戒 牌

切不可起壞念
 切不可為壞事
 切不可說壞話
 切不可交壞人
 切不可看壞書
 切不可履壞地

如貪婪謀害等類
 如嫖賭非為等類
 如誣陷構訟等類
 如奸惡下流等類
 如鄙詞邪唱等類
 如妓館賭場等類

上事於君 下交於友 不負寸心 終能長久
敬父如天 敬母如地 爾之子孫 亦復如是
男勤於耕 女勤如織 不負寸陰 豐衣足食
量其所入 度其所出 若不節用 俯仰何益

石成金珍藏

十愈


愈者問也益也有未能驟至而先漸進漸升之義

存心不可刻薄愈長厚而福愈多
做事不可怠忽愈勤謹而功愈隆
待人不可傲慢愈謙和而情愈親
說話不可輕率愈簡默而智愈藏
讀書不可粗畧愈詳細而義愈深

持家不可奢華愈儉朴而財愈豐
 訓子不可姑息愈嚴切而學愈精
 居官不可貪酷愈清慎而品愈高
 養生不可饕餮愈淡泊而壽愈延
 悟真不可昏散愈惺寂而性愈明

揚州天基石成金謔

元




空腹一盞清醴飽如九鼎
之饜南簷半床愛日煖似
百狐之腋蒲團抱膝竹几
支臂知足爲富無求當貴
旦夕暢飲三杯身心了無
一事

石成金珍紀

萬綠陰中小亭避暑
洞開八達几簾一皆碧
忽聞雨過潭聲一風
來花氣不覺令人自
醉


石成金珍紀



世事短如春夢 人情薄似秋雲
不須計較苦勞心 萬事元來有命
幸遇三杯酒美 况逢一朵花新
片時歡笑且相親 明日陰晴未定

秋雲



羊元




日日深杯酒滿 朝朝小圃花開
自歌自舞自開懷 且喜無拘無碍
青史幾番春夢 紅塵多少奇才
不須計較與安排 領取而今現在

深盃

郭伯康遇神
人授此衛生
得郭用其言
強壯百餘歲






心與竹俱空同

是非何處着脚

石成金珍藏



明日之事自有明日在且
多負今夜梧桐月色也

勤儉箴

人生天地間富貴誰不欲已力不經營日用焉能足
成積最艱難破蕩真迅速貧窮因懶惰借貸遭恥辱
儉用勝求人奢華莫隨俗男若勤耕田饑不愁米穀
女若勤桑蔴寒不慮衣服勿謂長少成光陰如轉軸
男大婚事來女大嫁期迫雙親有老病百費相繼續
臨期欲副用閒時須積蓄勉旃復勉旃慎勿憚勞碌

惺齋刊粘座右

勸行陰騭文

梓潼帝君曰吾一十七世為士大夫身未嘗虐民酷吏救人之難濟人之急憫人之孤容人之過廣行陰騭上格穹蒼人能如我存心天必錫汝以福于是訓于人曰昔于公治獄火與駟馬之門竇氏濟人高折五枝之桂救蟻中狀元之選埋蛇享宰相之榮欲廣福田須憑心地行時時之方便作種種之陰功利物利人修善修福正直代天行化慈祥為國救民忠生孝親敬兄信友或奉真朝斗或拜佛念經報答四恩廣行三教濟悉如濟涸轍之魚救難如救密羅之雀矜孤恤寡敬老憐貧措衣食周道路之飢寒施棺槨免屍骸之暴露家富提攜親戚歲飢賑救鄰朋斗秤須要公平不可輕出重入奴僕待之寬恕豈宜責備苛求印造經文朔修寺院捨藥材以拯疾苦施茶湯以解渴煩或買物而放生或持齋而戒殺

濟人渡勿登山而禽鳥勿臨水而毒魚蝦勿宰耕牛勿棄
字紙勿謀人之財產勿妒人之技能勿深人之妻女勿唆人
之爭訟勿壞人之名利勿破人之婚姻勿因私讐使人兄弟
不和勿因小利使人父子不睦勿倚權勢而辱善良勿恃富
豪而欺窮困善人則親近之助德行于心身惡人則遠避之
杜禍患于眉睫常須掩惡揚善不可口是心非剪礙道之荆
榛除當塗之瓦石修數百年崎嶇之路造千萬人往來之橋
垂訓以格人非捐貲以成人美作事須循天理出言要順人
心見先哲于美牆慎獨知于衾影諸惡莫作眾善奉行永無
惡曜加臨常有吉神擁護近報則在自己遠報則在兒孫百
福駢臻于祥雲集豈不從陰陽中得來者哉

廣陵樂善子石維石敬刊

勸敬附字紙說

字乃天地間之至寶成人功名佐人事業開人識見為人憑
據不思而得不言而喻能令古今人隔千萬年覲而共語能
使天下士隔一萬里僑手談心有欲聞於人之言彰其字而
白之有不欲顯於人之事封其字而達之傳古聖欲傳之心
法記今人難記之瑣事無往而不賴乎字若無福之人雖極
力求之旋得旋失有福之人藏之胸臆然自者盜者莫能劫
之使去豈非天地間之至寶歟以天地間之也寶行青俗不
察或吃烟抹桌或包銀包物或換物賣錢或糊墻遮窗或拭
穢燃燈或撚繩扎物或覆篋裹物或養蚕觀筐或婦女脫鞋
剪擗拋殘不顧狼籍偏多不亦折福也哉最無謂者爆香登
印記鞋襪寫號名金展題姓氏諸列齋年香囊標詩句裙
帶綉詞甚至油燭捲心歲除灰圍與夫井捌之上粘掛非
及其損壞俱遺棄道路泥穢高踏泥坳坑廁人莫能見信無

傍即等語格言亦不可被風雨之地若支敗心昧心誣人害人之字下等即有果報或名利暗減刑禍漸生又豈可不加慎惜至於淫詞和說嚴易惟動人之心志不獨禁其刊刻亦勸切勿書寫凡遇斷簡殘篇不及收藏即貯丙庫若路遇廢紙遺字金頂碗片字跡苟可檢檢者勿嫌垢污莫吝微勞莫忽善小雖至穢不辭或付諸水火或洗淨埋藏不費財而積福自積慶以延生又何憚而不爲也人或失一錢一帛則自可惜可惜獨於天地間之至寶之而不知悔賤之而不知惕則何以故今一字不識之人見片紙隻字於道傍必拾投之於壁以待持字者取而焚之隨即日願我未生識字或曰是誰作孽其敬字也如此而吾識字者反自輕之深爲可怪可嘆願同志者互相敬惜以欺後裔以資來世前途必定遠人後嗣自然繁昌可不勉之哉

廣陵樂善子石維刀敬科

福

享天福闔家上下俱和睦莫因小事占便宜
聽信讒言疎骨肉教兒孫禁奴僕一好能令
萬魔伏內無煩惱外無嗔能知此福還添福

五福來臨

福

享天福勤儉持家衣食足莫因奢華借人錢
催討臨時多受辱省錢財惜米穀蔬也充饑
布也燠門戶清高體面真能知此福還添福

福

享天福子弟書聲相繼續莫因財利惹奔忙
目討詩書心憂惑絕聖明謝塵俗義理精研

示

福

福

才學足淨几明窗筆墨香。能知此福還添福。

享天福。樂天知命無營逐。莫因富貴借光輝。
費盡精神空碌碌。酒與花。是親屬嬉笑狂歌。
真面目。家常供應不須嫌。能知此福還添福。

享天福。身體康健無拘束。莫因色慾早衰羸。
未老容枯腰背曲。心不勞。眉不蹙。疾病消除。
神氣足。白晝清閒夜睡安。能知此福還添福。

真有福人自能知福長福

元

五老長壽法

昔有行路人 路上見五叟
 年各百餘歲 精神加倍有
 誠心去拜求 因何得長壽
 大叟向我言 心寬不憂愁
 二叟向我言 山妻容貌醜

三叟向我言 話少常閉口
四叟向我言 食量節所受
五叟向我言 夜臥不覆首
妙哉五叟言 所以壽長久

惺齋老人重訂良正叟

十節

節者檢也制也有未能遽絕而先漸減漸止之義

人能節思慮則神氣自然舒徐
人能節荒惰則學問自然精通
人能節酒色則身體自然康強
人能節飲食則脾胃自然調和
人能節言語則過愆自然稀疏

人能節費用則財帛自然豐餘
人能節惱怒則舉止自然寬容
人能節烹宰則慈愛自然克周
人能節嗜欲則胸懷自然清虛
人能節塵煩則福壽自然綿長

揚州天基石成金謔

勿自足。自足自畫。勿多言。多言多失。勿爲
詭異以沽虛名。勿輕細行以累大德。勿親
損友而遠益友。勿作無益以害有益。勿苟
安於近小。當志乎遠大之事。勿欣戚乎窮
通。當盡其在己之實。聖學邈如汪洋。流光
疾如過隙。揭斯語於齋居。用警勉乎朝夕。

短不可護。護短終短。長不可矜。矜長不長。
尤人不如尤己。好圓切莫好方。用晦則天
下莫與爭智。撝謙則天下莫與爭強。多言
者老氏之所戒。欲訥者仲尼之所臧。妄動
有悔。何如靜而勿動。太剛即折。何如柔而
勿剛。吾將書紳帶以自警。刻盤盂以自防。

凡治家	先起早	桌要梳	地要掃
粗布衣	菜飯飽	孝父母	敬兄嫂
夫與妻	要和好	一家過	休鬧炒
睦御里	憐貧老	窮不欺	富不擾
勤儉人	災難少	身不寒	肚又飽
世間事	書最好	學聖賢	行正道
種田禾	勤耨草	只養豬	莫養鳥
習手藝	要心巧	做買賣	要公道


存良心	莫奸狡	忍耐些	省煩惱
官錢糧	先要了	出人情	看起倒
休做媒	莫作保	閒是非	都不曉
成家子	糞似寶	敗家子	錢如草
近來人	眼眶小	只扶起	不扶倒
銀錢多	莫費了	減色慾	增壽考
光陰快	人易老	趁青年	辦家早
但爲人	只學好	依我勸	福不小

餘慶堂家諺

基筆

環

鉅圖乃身家盛衰循環之運然而富貴榮華之福惟能仁厚和慎者可保久長



圖

則為鄙夫為墮乞為穿窬而文學功名益濟其惡

終為墮路入

其為人也於父母則德色於長上則侮慢於兄弟則怨隙於宗族則視如路人於桑梓則戕賊其家教也則藉以榮膺訓兒孫其於朋友則為勢力貨利之交凡種種惡類種種歷人俱從這一點利念做來豈不可畏可恐

卅二元

知之非艱行之為艱夫人祇在實地做工夫耳如或外慕聖賢之名中鮮誠敬之實則猶然雜舜而之躐離人而之禽也不有剛力難以人道

重行十箴

卜年八百卜世三十論永國則德不可不積
祖孫為相父子聯元論顯榮則德不可不積
壽當天折一念可延論培元則德不可不積
富有資產承祧無人論求嗣則德不可不積
我無滯人人無滯我論循環則德不可不積

前作今受今作來受論因果則德不可不積
善膺獎勸惡招誅譴論賞罰則德不可不積
福能移禍禍能轉福論造命則德不可不積
黃雀啣環白龜載渡論善報則德不可不積
花妖畏狄鱷魚避韓論勝邪則德不可不積

揚州石成金天基氏敬述

元

敦本十箴

明珠未得朝夕祈求論望子則親不可不孝
孕懷臨產生死攸關論艱危則親不可不孝
三年乳哺就濕推乾論劬勞則親不可不孝
方能嬉戲禍患勤防論顧復則親不可不孝
成童以後擇師訓迪論教育則親不可不孝

或饑或寒殷勤致問論珍愛則親不可不孝
未疾常恐既疾多憂論關心則親不可不孝
宜婚宜冠拮据週全論培植則親不可不孝
置田置產傳派兒孫論蔭庇則親不可不孝
杳隔音容欲養不在論後悔則親不可不孝

揚州石成金天基氏敬述

